

也故曰成言乎艮大哉艮乎天地之所以成始而成終也卽  
聖學之所以有終而有始也 帝出乎震

右第五章

神也者妙萬物而爲言者也動萬物者莫疾乎雷撓萬物者莫  
疾乎風燥萬物者莫熯乎火說萬物者莫說乎澤潤萬物者莫  
潤乎水終萬物始萬物者莫盛乎艮故水火相逮雷風不相悖  
山澤通氣然後能變化旣成萬物也

右第六章

乾健也坤順也震動也巽入也坎陷也離麗也艮止也兌說也  
右第七章

道藏輯要

說卦

三

壁集二

乾爲馬坤爲牛震爲龍巽爲鷄坎爲豕離爲雉艮爲狗兌爲羊  
右第八章

乾爲首坤爲腹震爲足巽爲股坎爲耳離爲目艮爲手兌爲口  
右第九章

乾天也故稱乎父坤地也故稱乎母震一索而得男故謂之長  
男巽一索而得女故謂之長女坎再索而得男故謂之中男離  
再索而得女故謂之中女艮三索而得男故謂之少男兌三索  
而得女故謂之少女

右第十章

乾爲天爲圓爲君爲父爲玉爲金爲寒爲冰爲大赤爲良馬爲